


INARINSAAME

LYHYT OPPIMÄÄRÄ

29.3.2010



YLIOPPILASTUTKINTOLAUTAKUNTA

1.1 TEEVSTÄ IBERDEM

Raavâ: Čuávuvvâš teevstâst kávnnoje 20 ettâmvyehid, moh láá vuálásargum. Čielgii vuálásargum soojijd sämikielân jieijâd sanijgijn teikâ jurgâl taid suomâkielân. Čuujoot numeráin saje, maid lah čielgiimin. Jieh taarbâš čäälliđ vuálásargum soojijd uđđâsist pápárân. Čääli vástádâsâidâd sierâ konseptpáparân.

SUOMÄ TUURIIST ČOLMIJGIJN

1) Sämikuávlvlu kiieldah láá keččâlâm markkânistiđ jieijâs tuuriismpalvâlusâid olgoenâmijn-uv. Lii suotâs kejâdiđ, lii-uv taat luhostum. Finnejim kietâsân oovtâ broošyrr, mon kevttih olgoenâmijn Suomâ máinumist. 2) Tot čáittá, et Säämi kiieldâin lii vala kuhes mätki maailm madhâšemmarkkânâid. Madhâšem váldutiäddu lii Maadâ-Suomâst. 3) Koskâ-Suomâ lii markkânistum mottoom verd já Säämi kuávlv tuš aabâs ucánjihhi. Taas oro lemin čielgâ suijâ-uv: broošyrr lii rahtum ulmuid, kiäh vyelgih Suomân jieijâs autoin, já ko auto piäjä skiijpân, lii madhâšem-uv älkkee. 4) Mađe uánihub luámu lii, tađe vissásubboht tuuriist páácá máádás. Kyevti teikâ kuulmâ oho luámu ääigi madhijdis puáhtá jo váhá vijdediđ-uv, já táválávt mätki olá Ruávinjaargân Juovláäijih kuvvl já Napapiiri rasteldittiđ mut ij oovtâgin mätki falâlduvâst taveláá. Taah turisteh kale uástih-uv maidnii määđhis ääigi já kyediđ ruđâidis Suomân.

Broošyrr maangâin madhâšem máhđulâšvuodâin ohtâ áinoo mätki olá tavas. 5) Taat mätki lii Suomâ kânjirân, kost turistâid fálloo oovtâ ookon máhđulâšvuotâ aktiivlâš luámu tolâmân. Mudoi-uv broošyrr addel taggaar kove, et eellim tavveen ij lah aabâs táválâš. Páihálâš olmooš kale vuárdá turismist olssis lasetiännás, mut taat mätki ij maangâgin päikkikoddálii ruttâpuursâid lieggi: 6) mätki lii nomâlâs vuávâjum tagarin, et turistijn ij ennustkin pääsi äigi ruđâi tuhledmân. Enâmustáá määđhist riggo määđhi uárnejeijee jieš, kiän peht tuuriist máksá kirdemliipu, ijjâsaje, purrâmušâid já eres sáátuid. 7) Tuš ohtii turistijn lii šiev máhđulâšvuotâ kyeddiđ ruđâidis päikkikoodán, mut eidu talle sij tuálvoje bussijn Suomâ rajij ulguupel Ruotân! Aktiivlâš luámuokko fálloo kirdemmätkin, mii lii iberdettee uánihis ääigi já kuhes madhij tiet. Mudoi ohjelm lii rahtum nuuvt pehtilin, et ton luvâdijnis-uv olmooš šiedâluvá.

Turistij mätki Suomân álgá vástuppeeivi. Kirdemmašininist uázžu čokkáđ ráávhust, mut 8) tállân puáttimsaajeest turisteh kalgeh ehidist uápásmuđ siämmáá juávhust jottee turistâid. Vuosmuu iijâ uázžu uáđđiđ, jis jieš peri máášá, mut lávvárdâhiideed kalga jo ääigild koccáđ: 9) iideepitá maņa turisteh vyelgih kárbâin jäävri oolâ, kuus váldoo evvis fáárun, já ohtân ohjelmin tobbeen lii láávust káhvástállâm. Kárbismääđhi já purâdem maņa kalga-uv jo tállân molsoškyettiđ pihâsijdis, et kiergân čuávuvvâš sajan: tääł turisteh vyelgih bussisáttoin Ruotân. Ehidist sist lii váhâš äigi kejâdiđ Ruotâ pelni pirrâsis, mut ovdil koskâijâ sist álgá luámu uáiviášši adai lihâdemuási. Vuosmustáá sist lii oovdâst 33 kilomeetter väzzimmätki. 10) Já ko tot álgá esken ovdlâhháá koskâijâ, ij väzzimistkin kiergân ovdil idedisijâ. Kuhes väzzim maņa turisteh vuod puáhtojeh bussijn maassâd Suomân, já sij peesih sávnudättâđ, vuojâdiđ já váhá vuoinâstiđ hotellist. Ehid stuorrâ ohjelmin lii juávkkupurâdem.

11) Vuossaargâ turisteh kalgeh koccáđ tooláá, tastko sist álgá čuávuvvâš väzzimmätki jo kâniorrâá piškomääigi. Taam määđhi uázžu väzziđ jo-uv sobijgijn teikâ sobijttáá, já ton kukkodâh lii tuše 31 kilomeetterid. Väzzimmääđhi maņa lii oppeet ohjelmist sávnudem, vuojâdem,

vuoiñâstem já juávkkupurâdem.

Majebaraagâ tuuriist uážžu uáđđid ráávhust pel oovce rái, mut iideedpitá maŋa lii oppeet vuolgâ: taankiárdásâš väzzimmokke álgá esken koskápeeivi ääigi, já mätki lii 35 kilomeetterid. Taan ehidân ij lah mihheen ohjelmijd, mut 12) ko lii ubâ kuhes peeivi vázzám, ij kale ehidist toovâ mielâ kavppijdgin.

Koskookon-uv lii vala čovgâ ohjelm tiäđust. Iideedpitá maŋa puáhtá vyelgiđ mottoom tiijme bussimáátkán keččâđ maisemijd. 13) Bussimääđhi maŋa ehidispeeivi álgá puoh kuhemus väzzimmätki, mii lii kuhheeb ko maraton: 43 kilomeetterid. Turisteh väzzileh esken viidâ ääigi ehidispeeivi. 14) Vyerdimist lii, et sij peesih merisajasis neelji já kuudâ kooskâst iðedisijâ. Talle sij láá vázzám ohtsis 142 kilomeetterid. Ohjelmist iättoo, et taan väzzimmääđhi maŋa turisteh uážžuh ráávhust vuoiñâstid teikâ keččâđ pirrásis. Mut täst-uv kalga leđe häppil, tastko 15) jo viidâ ääigi ehidispeeivi álgá čuávuvvâš ohjelm, mii lii stuorrâ vyelgimjuhle. Talle juurdân lii grillâđ olgon, jis peri lii tommittáá šiev šonjâ.

Vástuppeeivi iideedpitá maŋa tuuriistjuávkku vualgâ bussijn Ruávinjaargâ kirdemkiädán já aalgât määđhi páikkásis. 16) Mottoom kooskâst kalga kiergâniđ vala rahttáttâđ-uv.

Mätkipaketteh Koská-Euroopast Skandinavian iä lah meendugin häälbih, ko váldá vuotân tom, et jo 500 euroin kirdel oovtâ ookon Ameriikan já finnee ton haadan iideedpitá já ríjjâvuodâ ornid jieijâš ohjelm tego haalijd. Kirdemliipuh Ruávinjaargân mäksih viäruigijn suullân 400 eurod. Toos lasseen uáđđimsaje, purrâmušah já sáátuh mäksih 500 - 700 eurod. 17) Hadde meriduvvoo ton mielđ, haalijd-uv jyehid loonjâš iärásijgijn väi ij. Já tiäduttuvvoo vala, et siämmáa haadan finnee vala miitaal já tuodâstus-uv väzzimmääđhi čoodâtmist. 18) Oovtâgin pápárist ij kale mainâšuu väzzimmääđhist šoddâm kupâlâsâi rekinistem juolgijn.

Oroččij-uv lemin, et Säämist iä liččii meendugin čuuvtij vyerdimin näävt aktiivlâš madhâšejeid, kiäh láá peeivijd jo-uv meecist väzzimin teikâ jo hotellist uáđimin. 19) Kuábbáágin tááhust sist ij lah tile kevttid ruđâidis muide ko määđhi uárnejejee peht, kote tiäđust-uv pelestis máksá páihálâš ohjelmpalvâlusâin, hooteelloonjâin, purrâmušâin já sáátuin. Lii čielgâš, et stuárráamus ruttâ páácá määđhi uárnejejee luumon. 20) Sáámán kolgâččij finniđ eenâb tagarijd turistijd, kiäh laiguutteh viste njuolgist páihálâš irátteijest. Tienuuvt sij päacih kuhheeb áaigán oovtâ sajan. Taah liččii tagareh turisteh, kiäh juáđhâččii eenâb-uv páihálâš ulmui leeibi.

1.2 ÁVUS KOČČÁMUŠAH

***Raavâ:** Lue seuraava teksti ja vastaa sen pohjalta lyhyesti **suomeksi** sivulla 4 oleviin kysymyksiin a - e. Kirjoita vastaukset **selvällä käsialalla** kielikokeen vastauslomakkeen a-puolelle.*

TOVLÁÁH JÁ TÁÁLÁÁH NOMADEH

Tovláá sämmilij puásuituálu vuáđudui sierâ iveaigijd, moi mielđ sij värrejii poccuidiskijn saajeest nuubán. Jyehi iveááigán sist lâi ain fastâ orroomsaje. Váldikudij koskâsâš räjiäidi, mii huksejui 1950-lovvoost, muutij kuittâg čuuvtij sämmilij ärbivuáválâš jotteem: kesikuáttumân jotteem nuuvâi, já ulmuuh paccii lopálávt aassâđ siämmáá sajan pirrá ive. Toos nuuvâi meiddei ärbivuáválâš poccuigijn jotteem. Eidu tággáár iveaigij mielđ varrim tiätusoojijd láá kočodâm nomadismân.

Táál nomadismâst lii puáttám mottoomlágán muotisääni, já juáhháá, kote ucánjihhiigin liihâđ, puáhtá tállân koččođ nomadin: almuigjioskâsâš irättäsâi pargeeh láá nomadeh, siämmáánáál uáppeeh-uv láá nomadeh, já ain kulá meiddei teknonomadismâst, urbaanlâš nomadismâst já vala jiärmälâš nomadismâst-uv.

Almuigjioskâsâš irättäsâi pargeeh oroh lemin nomadeh tondiet, ko sij kártti pargoadeleijes kočostáhhân: jis pargoadeleijee nuuvt váátá, sij vuolgáttuvvojeh mottoom eres sajan eres paargon, jeđe mottoom ääigi keččin sij vuod mäccih ovdii tilásis. Tággáár “kolliistállâm” eres pargosaajeest ulmuuh mottoom suujá tiet aneh áárvust. Uáppeeh še annojeh nomadin, tastko sij kártti kyeddiđ päikkisaajees já varriđ vieres sajan luhâmiđis tiet. Taat juávkku kale ij kuássin pyevti leđe meendu vises tast, piäsá-uv tot uápuidis maŋa maassâđ päikkisajasis, tastko pargoelimân sirdâšum meerrid sii liihâdmijd. Liävus te noomaadjuávkku mii peri, te puáttee ääigi ton varriistállâm ferttee leđe jo čuuvtij älkkeeb ko táál, tastko taan ääigi vuávájuh jo vistekáálvuid-uv “nomadij” várás. Tái uđđâ “nomadij” vistekáálvuh, ovdâmerkkân stoovlih já peevdih, láá tagareh piergâseh, moh šietti älkkeht kärzis sajan já maid puáhtá tuš toppiđ fárusis vyelgidijnis. Tovlááh sämmiliih iä kuodâččâm meendu luis tiingâid fárustis, tastko tallaah láávuh lijjii ráhtusis já materiaal tááhust keppiseh já tagareh, maid lâi älkkee fievridiđ.

Teknonomadism vuod miäruštálloo nuorâi vyelikulttuurin. Toos kuleh tiätulágán eellimstijlâ, madhâšem já tuuriism, seminaareh, usteveh, taaidâčáitálmâsâi lekkâmeh, juhleh, káhvástállâmsajeh já puohlágán interpersovnlâš kommunikaatio viärmáduvah. Teknonomadism puáhtá leđe meiddei staattisâš lihâdem adai mottoomlágán virtuaalmadhâšem. Šadda-uv kojâidiđ, lii-uv teknonomadism uázžum myensteris sämmilij elimist tälvisiijđâst, moos meiddei kuulâi aktiivlâš sosiaallâš eellim: eidu tien ääigi uárnejuvvojii ain markkâneh, keriveh já viärruttâs.

Nomadism ij motomij miäruštálmij mielđ lah innig veltihánnáá mihheen fyysisâš liihâdmijd mut tiätulágán orroomtile: tot lii miäruštállum mottoomlágán muttojeijee tilleen, mon mielđ olmooš lii ain joođoost. Já veik tááláá ääigi urbaanlâš olmooš ij ooroostkin, sun kuittâg taarbâš siämmáálágán ääigi pissáánmân tego ärbivuáválâš noomaad, kote ferttee ceggid láávus tiätusajan mottoom ááigán. Ton áigáá ko urbaanlâš ulmuu láávu lii ceggust, sun pasta nuurrâđ vuomijdis loopânpyellim vuástá já toos, et sun oppeet vaja jotteeđ. Taan urbaanlâš jurdâččemvyevi mielđ noomaadeellim lii čielgâsávt-uv keččum uáli roomaantlâš čolmijgijn: oovtsajan orostistem

kiäččoo mottoomlágán vuoiñâstmân já jotteem vuod paldálistoo streesin já huápun. Ärbivuáváláš eellimvyevi mielh čuávuvvâš siijdân puáttim ij lah tiättám ulmuid maggaargin vuoiñâstâs mut tuš eres iveááigán čonnâsâm pargoid já áigápuáđu. Ovdâmerkkân Kiemâ sämmiliih juttii poccuidiskijn uđđâ kuáttumáid. Toos lasseen sij pividii tälvisiijdâin maijuid, moin finnij čeevđijđ já piärgu. Čohčâ- já kiđđatäälvi pargoid kuulâi koddepivdo já kiđđuv meiddei loddepivdo. Keessiv sij kuálástii.

Väldikudij kooskân huksejum räjiäiđi lii 1950-lovvoost lopáttám sämmilij ärbivuáváláš jotteem, já tot lii kustoo kuuloid muttám ubâ jurduu nomadismâst. Jieškote-uv puáhtá smietäiđ tom, kii lii taan ääigi noomaad já kii ij.

Käldeeh:

www.Megafoni.kulma.net

Klemetti Näkkäljärvi: Siita eli lapinkylä yhteisöelämän perustana (Siiddastallan, 2000)

Klemetti Näkkäljärvi - Jukka Pennanen: Poroahoito perustuu pohjoisen luonnon vuotuisikiertoon (Siiddastallan, 2000).

Jukka Pennanen: Liikkuvan elämänmuodon moninaiset asumukset (Siiddastallan, 2000)

Hannu Pöppönen: Tulevaisuuden ideat kasvavat varjossa (Helsingin Sanomat 28.9.2003)

Koččâmušah:

- a) Millaisia seurauksia 1950-luvulla valtakuntien väliin rakennetulla aidalla oli poronhoidolle?
- b) Opiskelijoitakin on pidetty nomadeina. Miksi tämä ryhmä ei tekstin mukaan täytä nomadismien kriteereitä?
- c) Mitä yhteistä on ns. uusnomadien huonekaluilla ja muinaisten saamelaisten laavuilla?
- d) Missä mielessä urbaani ajattelutapa romantisoi nomadien elämäntapaa?
- e) Kuvaa lyhyesti muinaisten keminsaamelaisten elinkeinot lapinkylissä eri vuodenaikoina.

2 RÁÁHTUSISKOS

Raavâ: Tievâsmit čuávuvuvâš teevstâ sijđo roobdâst adelum sanijgijn. Keevti saaniđ taggaar häämist ko tekstâ váátá. Čäáli vástádâsâidâd kielâiskos västidemluámáttuv (kielikokeen vastauslomake) B-piälán.

MAHT JOOP VAN ZIJLIST ŠOODÂI VALASTÄLLÄMTOIMÄTTEIJEE?

- Toimätteijee pargo ij lah mihheen älkkees pargoid.
Toimätteijee Joop Van Zijl muštâl, maht sun seelvâtškuođij televisiosst taaidäluistälmiđ. Puoh 1) ___ äšši lâi tot, ko sun kaartâi tággáar paargon mottoomlágán päarti peht.
- 1) komälâš
- 2) uudâs + toimätteijee Sun lâi tv-pargoost 2) ___, já tagarin sun ááigui pissoođ-uv, mut sunjin kuittag keevâi nubenáál. Suu pargoskippáár, kote ain selvättij taaidäluistälmiđ, fakkist 3) ___ muáddi peeivi ovdil árvukištoi älgim. Fastâ toimätteijei pajaniđ korrâ kumeštâs já sust lappui jienâ. Lâi tállân čielgâs, et taat 4) ___ mahten 4) ___ muádi peeivist tienuuvt, et puávtáččij čielgiiškyettiđ taaidäluistâlem tv-keččeid.
- 3) puocčâđ + -škyettiđ
- 4) puárániđ (preterit / imperfekt, kiöldimh.)
- 5) äššitobdee Valaställämtoimättâsâst šoodâi eeti: sist ij lam kihheen eres 5) ___, kote ličij puáhtám selvättiđ taaidäluistälmiđ. Talle toimáttuv hovdâ poođij Van Zijl kuuvl čielgiđ onohis tile já siämmást kojâđij, ij-uv taat mahten puávtáččii selvättiđ taaidäluistâlemkištoid TV:st. Van Zijl hirmástui: ijhân sun addim taaidäluistâlmist maiden! Tom sun kale tiedij, et jienâ alne lijji ovtâskâs luistâleijeeh já paarah, kiäh njuškuu já jurrii tobbeen, mut ijhân sun tagariđ 6) ___ mahten puáhtám selvättiđ maiden jiärmáliđ tv:st!
Já nuuvt te hovdâ vuolgij suu kuvlân.
- 6) tiätu
- 7) karttâđ Mut toimáttâh ij adelâm piärán. Talle seengâ pyerrin 7) ___ toimätteijeegeis vaaldiđ sunjin ohtâvuođâ já ráávui puhelimest toin jienáin, mii sust vuolgij: ij-uv Van Zijl lijká-uv puávtáččii selvättiđ luistâlemkištoid?
- 8) piergiđ (indikatiiv) - Na maht mun tobbeen 8) ___? Van Zijl kojâdâlškuođij.
Toimätteijeeskippáár joodhij:
- Muu pargolonjâ skääpist lii ohtâ video, mast láá puoh njuškiimeh já pirueteđ, maid jo luistâlemkištoost kevttih-uv.
- 9) keččâđ (imperatiiv) 9) ___ tom vistig! Puoh njuškiimij já piruetij oppâmân tust maneh kulmâ, nelji tiijme.
- 10) mušteđ (kiöldimh.) - Na maht jis mun 10) ___ innig selvättem ääigi mottoom njuškim noomâ? Van Zijl kojâdistij.

- 11) koorâs - Ij tot maiden häittid, suu pargoskippáár lohđuttij. Talle tun tuš keejah, mana-uv tot njuškim pyereest vâi hyeneeht. Talle tun meiddei kuldâlah, mon 11) ___ keččeeh tuáškuh kiedâidis. Já jis njuškim mana tuu mielâst pyereest, te pahudistah:
- Masa jo tievâslâš njuškim! Pyereest taat moonâi!
- 12) čokánistiđ - Já jis kiinii 12) ___ njuškiimis ääigi jieŋân, te talle tuš hirmástâlškuáđáh:
- Vuoi vuoi! Kohân peri iä taan njuškiimân monâččii taan kištottâllee máhđulâšvuođah mitalân! Täst sun kale moonât ennuv 13) ___!

- 14) kištosaje Suu pargoskippáár vala čielgiistij, et häärvis TV-keččein nuuvt ennuv ibbeerd taaidâluistâlmist. Tágárijd kištoid lii tuš suotâs keččâđ. Já pargoskippáár mielâst kištoid selvâtem ij lam konstâ ige mihheen, ko peri poorgâi tarbâšân ennuv päikkipargo já ruugâi puohlágân tiäđuid 14) ___ já kištottâllein ovdil tv-vuolgättâs älgim.

- 15) toimâtteijee Illâmielâin Van Zijl aalgij sajasâžžân. Sun ruugâi vistig tiäđuid kištopääihist. Ko vuolgättâs älgáččij, sun muštâličij keččeid luistâlemhaali historjâst. Sun ruugâi meiddei puohlágân tiäđuid ton kaavpug historjâst, kost kištoid lijji. Tastmaŋa sun čielgiiččij tom, mon ennuv uásivâldeeh kištoost lijji já mon eennâm ovdâsteijeeh sij lijji. Já ain 15) ___ lii sivnedum äšši, jis sun tiätâ eenâb valastallein: puávtáččij muštâliđ, mon kuhháá jieškote-uv lii luistâlâm, mon pyereest sun lii ovdil piergim, vyerdih-uv 16) ___ sust miitaal, mon kuávlust sun hártuttâl já kii lii suu persovnlâš välmejeijee. Já tot še lâi suu mielâst šiev selvâtemfáddá, lii-uv luistâleijee peessâm jieijâs hártuttállâmpaje čoođâ ruásmuttuuhánnáá vâi ij. Já forgâ sun huámmâšij-uv, et masa jo jyehi uásivâldest lijji lamaš vâdisvuođah jieijâs tiervâsvuođáin. Suu čielgiimân tot lâi uáli jo šiev äšši. Já ain puovtij hundâruššâđ tom-uv, lijji-uv koččâmušâst valastallee vuosmuuh kištoid vâi máhđulávt jo majemuuh.

- 17) kištottâllee (maangâloho) Van Zijlin lâi lukko, et sun tiedij ennuv muusikist. Ko kišto älgáččij, te sun puávtáččij muštâliđ 17) ___ muusikvaljiimist! Ain puávtáččij smietâdiđ, lii-uv luistâleijee ohjelm teknisávt vaigâd vâi älkkee, mana-uv sun muusik taatâst vâi ij. Já
- 18) pyehtid (konditionaal) ainhân, jis eeti šodáččij, sun 18) ___ čielgiđ tom-uv, magareh pihtâseh kištottâllest lijji pajalist. Já talle ko luistâleijee ličij kiergânâm jieijâs ohjelmijn, puávtáččij hundâruššâđ, moonâi-uv tast pyereest vâi hyeneeht.

19) njune + poss.suff. Puoh tágárijn aašijn Van Zijl čaláččij olssis pápárijd, maid sun puovtij hengâstid 19) ___ oovdân tv-čielgiittâs ááigán. Sust lâi stuorrâ mappi, mast lijjii tiäđuh luistâleijein. Sust lâi nubbe pävirpunnâ, mast lijjii tiäđuh haali já kaavpug historjást. Já kuálmád päävir lâi tuš taggaar, mast luuvâi, maid kuás-uv kolgáččij sárnudiđ, jis veik uáivi sattuuččij eidu ton tove kuarániđ.

20) muččád Mottoom njuškim noomâ sun tv-vuolgâttâs ääigi vâjaldutij-uv, mut ij kihheen tast puáttám suu nuttâliđ. Talle sun poorgâi eidu tego suu pargoskippáár lâi-uv ravvim: jo-uv ihástâlâi 20) ___ njuškim teikâ jo hirmástâlâi, et hyenes njuškiimist čuággáh kiäppáneh.

Tággáár tv-selvâtem ij lam sunjin puoh älkkeemus feerim, mut tot kuittâg máttááttij sunjin ennuv. Já suu mielâst mañeláá tágárijd feeriimijd lâi ain hitruu muštâččid.

Käldee: NOS-TV vuolgâttâs uđđivemáánust 2006 toimâtteijee Joop Van Zijlist.

3 ČÄÄLLIM

Kirjoita kaksi tekstiä samalle konseptipaperille inarinsaameksi. Noudata ohjeita. Muista kirjoittaa selvällä käsialalla. Numeroi kumpikin teksti, laske molempien sanamäärä erikseen ja merkitse ne vastaavan tekstin loppuun.

- 3.1 Kirjoita lyhyt ja iskevä matkailumainos. Mitä tarjottavaa kunnallasi on erilaisille matkailijaryhmille?

Sanastoa: mááinus: máinus 'mainos'

Kirjoitustehtävän pituus: 50–70 sanaa. Pisteitys: 33–0 p.

Lisäksi joko

- 3.2 Kirjoita sähköpostiviesti jollekulle, jota haluat haastatella, ja pyydä haastattelua. Kirjoita viestiisi se, kuka olet ja milloin ja miksi haluat haastatella häntä.

Kirjoitustehtävän pituus: 100–130 sanaa. Pisteitys: 66–0 p.

tai

- 3.3 Kirjoita museonäyttelyä varten inarinsaamenkielinen nomadeista kertova teksti. Voit valita asiatyylin tai voit lähteä mielikuvitusmatkalle ja kertoa saamelaisen nomadin elämästä ja kuvata vaikkapa yhden päivän tapahtumia ja ympäristöä.

Kirjoitustehtävän pituus: 100–130 sanaa. Pisteitys: 66–0 p.

KOKEEN PISTEITYS / POÄNGSÄTTNINGEN AV PROVET

Tehtävä	Osioiden määrä	Pisteitys	Painokerroin*	Enint.	Arvostelulomakkeen sarake
Uppgift	Antal deluppgifter	Poängsättning	Koefficient*	Max.	Kolumn på bedömningsblanketten
1.1	20 x	3-0 p.	x 1	60 p.	1
1.2	5 x	3-0 p.	x 2	30 p.	2
2	20 x	1-0 p.	x 1	20 p.	3
3.1				33 p.	7
3.2 / 3.3				66 p.	8
Yht. / Tot.				209 p.	

* Painotus tapahtuu lautakunnassa.
Viktningen görs av nämnden.